

# شہزاد

دھنیا

- سوچو
- شکر بیش
- برف لایہ بند
- پرنسی سکری
- پیچھے تاریخ بیت
- رف دلکشیدہ دریہ مدار پرورد
- پروفسور دوکٹور مہمنگی رہنمائی (کیریجی)

بیانیه

از ماده علمیه



نشریه

# شاین بیرونی

پروفسور دکتر محمد تقی زهتابی

تعداد صفحه • ۱۷۶ صفحه

جایز اول • تابستان ۷۸

تبراز • ۵۰۰۰ نسخه

قیمت • ۸۰۰۰ ریال

لیتوگرافی • ترسیم

چاپ • جمالی

صحافی • باپرس

حروفنگار • فریبا و قی

صفحه آرایی و امور فنی نشر

کارگاه سیمین، تبریز: متدوف پستی ۲۴۵۶ - ۵۱۳۲۵ - ۵۳۱۵۳۶



تمامی حقوق این اثر متعلق به مؤلف است.

شابک: ۹۶۴-۶۷۵۶-۰۶-۹ ISBN: 964-6756-06-9



## ایچیندہ کیلر

### • شاہین نجفی روده !!

۷ ..... باکی، دی - بهمن ۱۳۴۴

### • پروانہن سکھنی

۵۳ ..... باکی، آذر ۱۳۳۶

### • کچھیکت فاردا ایسا ملتوں

۶۱ ..... باکی، بهمن ۱۳۳۶

### • یو خو

۷۱ ..... باکی، بهمن ۱۳۴۵

### • بذ قالا سیندا

۸۵ ..... تبریز، بذ قالاسی - خرداد ۱۳۵۹

### • افانادیشی شیره دایانمازسا، آزادیق

۹۷ ..... بغداد، بهمن ۱۳۵۶

### • بخے یائیش

۱۰۹ ..... باکی، تیر - مرداد - شهریور ۱۳۴۲

# پروفسور دکتر محمد تقی زهتابی نین بیوغرافیسی اوز دیلیندن

- ۱۳۰۲۰ - ینجى ایل آذر آئى نین ۲۲ - سینده شبترده کېرىشچى عاينە سینده دوغولدوم.
- ۱۳۰۹۰ - ونجو تازا آچىلمىش دۇولتى مدرسه يە گىندىب، ۱۳۱۵ - ینجى ایلده ابتدائى آلتىنچى كلاسى قورتاردىم.
- ۱۳۱۷۰ - ینجى ایلده تبرىزه گلىب، اوچ ایل فيوضات اورتا مكتىبىنده دوقۇزونجو كلاسى بىتىردىم.
- ۱۳۲۰ - ینجى ایلده تبرىز دانىشسراسينا داخل اولوب اورانى بىتىردىكىن سونرا ۲۳ -
- ۱۳۲۲ - ونجو ایل لرده رشديه ادب اورتا مكتىبلرىنده معلملىك ائتدىم.
- ۱۳۲۰ - ۱۳۲۰ - ونجو ایل لرده تبرىزدە حاجى يوسف شعارىن كلاسلارىندا عربجه كاتوليكلر كلىسا سيندا فرانساجانى اؤيرىندىم.
- ۱۳۲۵ - ینجى ایلده آذربايجان دئموكرات فېرقەسى واسىطەسى ايله تبرىزدە دانشگاه آچىلدى من بو دانشگاهىن ادبيات فاكولته سىنه قبول اولموش ايلك طلبەلردىن ايدىم.
- ۱۳۲۷ - ینجى ایلده عالى تحصىل آلماق اوچون قاچاق شورو يە گىندىم، حزب توده و دئموكرات فېرقەسى رهبرلىرىنин گۈستەريشى ايله اىكى ايل زندانا محکوم اولوب سىبىرە گۈندەرىلدىم. سونرا دوشنبە شهرىنە سورگۇن اولدوم.
- ۱۳۳۳ - ونجو ایلده باكى ياكى گلىب، بشش ایل سورە سينده باكى دۇولت اوپىيورىسىتە سىنىن آذربايغان دىل و ادبيات فاكولته سىنى بىتىرىپ عىن زاماندا همىن اوپىيورىسىتە نىن شرقشناسلىق فاكولته سىنىدە عرب دىلىنى تدرىس اتتمە يە باشلادىم و بو ایل لرده عرب ادبياتى اوزرە "ابونواسين حيات و يارادىجىلىغى" مۇضوعوندا اثرىمدەن مدافعا ائتدىم، اوچ ایل سونرا ايسە دوچىنت لقبى آلدىم. باكى دا اولدوغوم ایل لرده آذربايغان دئموكرات فرقەسى رهبرلىرىنин مخالفتى نتىجە سىنىدە هەنج نە چاپ ائتدىرە بىلەمەدىم.
- ۱۳۵۰ - ینجى ایلده عراقا گىندىم و اوراداباغداد اوپىيورىسىتە سىنىدە فارس دىلى و اسکى تورك دىلىنى تدرىس ائتدىم و يازدىغىم علمى ائتلر اساستدا باغداد اوپىيورىسىتە سى منه پروفسورلۇق لقبى وئردى.
- ۱۳۵۸ - ینجى ایلده وطنە گىلدىم، تبرىز اوپىيورىسىتە سىنىدە آذرى و عرب دىل لرىنى تدرىس ائتدىم. آنجاق اىكى ایل سونرا ... ائويىمە مطالعە و يازماقلە مشغۇل اولدوم.

# شامن بىرىسىردى!

شىمىشك كىمى ايللر بويو سونسوزلوغۇ يارمىش،  
صبع چاغلارى خنجر قانادىن شىھىلە سووارمىش

بىر شاھىنى قاف داغلارىنىن ذىر وەلىرىنده  
وورموش قوجا دونيا يىنى بىنده.

\*\*\*

دەشتلى سەمادىر اوزو گوياكى، بولوتدان  
اۋرتوب قارا اۋرپىك؛

قۇوموشدور اوزوندىن ائله بىل شىلىكى تو凡،  
گولمكلرى شىمىشك.

\*\*\*

هەردىن كى، او فوقىر اولور الوان،

شىرتىڭ قازىيىر تورپاغى جايىناقلە غضىدىن؛  
زنجىرىنى دارتىب، آتاراق اوچماغا هىنى جان،  
- هىنى، هىنى - باغىرىر، -

هىنى - هىنى قوجامان شرق!!!  
او دلاردا يانان شرق!

\*\*\*

ای، دو غما دیاریم، دایا غیم، فخریم، او میدیم...  
 هر دن کی، آسیر پرده او فو قلر ده بولوتلار،  
 قلبیندہ جو شور قان؛  
 آلنیندان او چور غم.

گؤی او دلو قیلینجین چیخاریر تاکی، قینیندان،  
 بیردم گتیر اطلس دُونون عالم؛  
 وو لقان دُوغولور سانکی قانیندان،

توفانلى ده نیز تک بورو یور وار لیغین عصیان.

\*\*\*

گؤی کیشنه بیر هر دن، یاریلیر غملی سکونت،  
 جین گیلده بیر عالم.

گویا کی، بو جین گیلتی ده محو اولدو اسارت،  
 آزاد لیغا چاتدی قزو جامان قوش؛  
 کثچمیشده کیلر تک.

گویا کی، قویوب در دینه مر هم  
 بیر آن لیغا شیمشک.

شن کثچمیشہ بیر دمه قانادلاندی خیالی:

\*\*\*

شیش ذیروه ده خنجر کیمی سال داش لارا قۇن موش؛  
 هئچ نه قایجا بیلمیر نظریندن:  
 داغلار، دره لر، چایلار، او فو قلر و بولاق لار،  
 توم - توم متشه لر، مئیوه لى با غلار...

قاچمیر نظریندن نه ياما جلار، نه ده گولشن:  
 گوللر گوله ره ک ناز ائله بیر، چشمەلر آغلار...

\*\*\*

اُور توبدو بولو تدان میشۇوون ذېروهسى اۇرپك،  
بېر نازلى گلین تك؛  
قۇيىمۇش ساوالان  
/هم دە سەندى اۇز ابدى تاجىنى قاردان؛

گوللردن عطىرلر يايىلىرى، نغمه سولاردان ...  
\*\*\*

بېر آندا میشۇودان اوْچاراق، آشدى سەندى؛

تېرىزدەن اوْتوب، كىچدى مەندى؛

شىمىشك كىمى بېر شاخدى دۇماندا،

قىيى ووردو، گلین تك ساوالاندا...

گۈرجىخىزى اىستەدى اۇپسون ياناغىندان،

آچجاق قانادىن، ساخلاادى لاکىن

زنجىر آيا غىندان.

\*\*\*

سۇدا<sup>۲</sup> يۇخۇسوندان اويانىب مىش كىمى شاهىن،

زنجىرىنى دارتىب،

قوپ، قوپ - دئىدى - سارسىل<sup>۳</sup> تەملىنىدەن

الحق داش ايمىشىن ازلىنىدەن.

\*\*\*

حىرتىلە دۇلۇ گۈزلىرىنى يومدو بېر آنلىق.

آه - سۇيىلەدى -

آه، بېر داها چىمىسىدىم اوْ چىلىغىن<sup>۴</sup> لېلردا!

قورسايديم اووا بيرده چىخىلمساز تېھلرده!  
 قۇپسای بو زنجير و داغىلىسى بى داغلار!  
 آخسايدى سمادىن گۈزۈن تك بى بولاغلار--  
 افسانەدى، سحر مى دىرى بى؟  
 گۈزىلرده بوى آتىمىش قوجا قارتاڭ  
 هاردان بىلە جىكىدى ندى قاندال!  
 \*\*\*

ندى زنجير؟!

يوخ، يوخ، بى فلاكتىدە فقط مندەدى تقصىر.

\*\*\*

آغ ساققال آتام ھمىشە سۈزىلردى ناغىلار،

عارف قۇجالار دان.

آلدانما دىئىردى،

خوش نىمە يە آلدانما، ساغىن<sup>۲</sup>، حىّه قاپىلما.

كۈر حىسلەرە مۇدرىك آغىلار،

حاكىم كىيلىب گر وئرە فرمان،

اۇلماز بىر اۇلادى حياتىندا پشىمان.

\*\*\*

بىر گۈن دئىدى او غلوم سۈزو ساخلا يادىندا.

وار ايندى جوانلىق گوجو خنجر قانادىندا.

آساندى سە انكىن<sup>۳</sup> افقىرە دولاشماق.

آغ ذىروەلى ھوندور<sup>۴</sup> داغى بىر لحظەدە آشماق.

ھر بىر افقى يار، اوجا داغلار دان اوچوب گنج،

هر چشىمەدە چىم، صبح چاغى بادە كىيمىن  
 هر بىر بولاغىن بوزلو سوپوندان ...  
 قافقاز داغينا اوْچماولاكن  
 قالميش بابالاردان بو وصيت:  
 قىرسانا بنزەر اوراكىم گىتسە قايتماز.

\*\*\*

شرقىن ابدى مشعلى، داهى اوْلو<sup>۱</sup> الياس<sup>۲</sup>  
 افسانە لباسىندادئىپ ديرسەدە سافسانە سايىلماز.  
 ظلمت دير اوْ داغلار، اوْ دئمىشدىر — قاتى ظلمت!  
 اسكتىر اگر تاپماق اىچون "آب حياتى"  
 ظلمتلىرە اوز قۇيدۇ، مگر تاپدى نهايت?  
 قالميشدى عۇمورلوك گونشىن نورونا حسرت،  
 عارف قوجاڭر چارە يولون سۈيىلەمەيدى.

\*\*\*

ظلمتدىر او يىرلىر، بلى، ظلمت؛  
 كىم گىتسە قايتماز.

\*\*\*

سۈيىلدى آتام: گىتدى بابام، دۇنمهدى بىردى.  
 ايللرجه بوتون عايلەمىز گۈز بولاتىكدىكى؛  
 ايتىگىن گندىب او، گلمەدى بىر سادە خبردى.  
 گىتدى اوونون آردىنجا بابان، من او شاق اىكىن؛  
 گىتدى بىزە خوشبختلىكى ھدىه گتىرسىن.

ایللر کنچره ک، آخر آتام دؤندو خیاله.  
زحمته او زوب غم ده نیزین، ساحله چىخدىق؛  
بىر داخمادا تىكدىك.

آخر داسعادت او زومه گولدو بو یئرده ...

-گشت داغلارى آش - سۇيىلهدى - گۈزىلەر دەقىقىسى وور؛

هر صبح چاغی فری باده تک ایچسین بیگین نور،

آزاد هاوادان سینه‌نى صبح چاغلارى دۆلدۈر،

داغلاردا و دوزلرده سال ايل لر بؤيو مسكن ...

گلمزسن عۇمۇرلۇك قۇجا دونىادا زوالە.

لakin bunuo heنج وقت اوُنوتما: اتىلەزىغىلار بىللەزىغىلار ئەملىكىلە

فاندالدا کر ازاد یاشاماق ایسته مه ییر سن،

دوس فاف داعينا بير کره او چهماق هو سيندن ...

الآن ينادي بالله في كل مكان، ويرسل رسائل إلى كل الأقطار.

غ ساحل آتام هم و شو : با در بگ

فسانه سلیمانی

لیسمده بی افسانه نه عضاده گول دیه.

وَلِلَّهِ الْحُكْمُ وَإِلَيْهِ يُرْجَعُونَ

خاطیره‌لر گولشیپنی سئیر ائله يې كەن.

ماهین ائشیدیب قیمی سسینی، سیحرادی پیردن

لوریا یو خوسوندان.

گۈزلری او دىك آلىشىپ پارلادى پار-پار؛

سانجىلدى او فوق رفلرىنه او دلو باخىشلار؛

ر جوٽ یانار اوُخ تک،

اونلاردا يانان آرزو لارين شعله لرىندن

آيدىنجا قىغىلچىم ساچىلىرىدى.

\*\*\*

شن خاطيرەلر پردهسى محو اولدو گۈزۈندن؛

غم او ردوسو شتلىك قوشونون قۇودو او زوندن؛

جۇشدوردو دئىيردىن قۇ جامان ائللرى عصيان،

يا فيرىتىنادان قايىنادى عمان.

قلېيىنده يىنە كوكىرەدى تۇفان؛

چىرىپىتىلار آيدىن گۈرونور پنجه لرىندە؛

باخدىقىجا او فوق پردهسى هىرم آچىلىرىدى

لاى-لاى نظرىندە.

\*\*\*

سود رنگلى بىزىلرده كى خال تك،

قارتاللارى سىير انتىجىك او فوقلرده او چوشدا،

شاهينلىرى او خىلار تك او تو شىمكىدە، يارىشدا؛

اونلارتك او فوق آيناسىنى يارماغا مفتون،

شاهين دە قانادلاندى كى، او چسون.

قاندال چكىب اما آيا غىنidan يشە سردى.

\*\*\*

بىر خنجرە چىورىلدى بو تحقىرايلە دردى.

وار گوجله چكىب سىلکەيەرەك بىندى او زولدى:

- تىپن - دىندى - قۆپ، تىترە، داغىل، سارسى تىملەن،

محو اول ابديلىك، پۇزول، اى ئاھىرى گۈيچك.

\*\*\*

بىلەم بۇ نەدىر: اصلى جەنم، اوزو جەنت،  
آلنىندا گۈزەل رايحە، قلىپىندە عفو نىت.

\*\*\*

قلېيمىدە او مود، آرزو، تمنا و دىلكلەر  
آچىدىقدا چىچىكلىر،  
ائىدىكىدە تېسم منه اىستك،  
اولدوقدا بوتون وارلىغىم آزادلىغا وورغۇن،  
ائىدىكىدە حقىقت پېرىسى قلبىمى مىجنۇن،  
بىر نۇمە بۇ داغلار دان اشىتىدىم؛  
بىر پارچا ملاحت.  
حق عالىمى ساندىم بۇ دىيارى.

حۇكم ائتمەددەدىر، ظن ائلهدىم، بوردا عدالت.  
أتدىم دەلى تىك سئوگىنى، يارى ...

\*\*\*

سىلر و ايشيقىلار ھامىسى رنگ ايمىش اما.  
آل پىردەنин آردىندا نە وارمىش؟!  
سۈزلە عملىن بىر بۇ قدر فرقى او لارمىش؟!  
بىلەم بۇ رىادان دولاپىر ھانسى دە گىرمان؟?

\*\*\*

گۈيلەر دە او چاركىن گۈزەنور ھە يىرى درىيا،  
دالغا، شې، چىلغىن حرکت، سئوگىلى توفان.  
دوزلەر، درەلەر، گوللۇ ياماجلار، او لو داغلار...  
ھە قۇرو چۈللەر...  
ھە يان باشا - باش جانلى حىاتىدىر، حرکتىدىر!!!

\*\*\*

دۇنۇش بو بولاقلار،

قاز، اوئرده ک اوزەن خىردا جا گۈللر،

گۈيلرده اوچاركىن گۈزرونور دالغالى عمان.

گۈيدن قايالار، داشلار، آغا جلالار، قۇرو باغلار

سونسوز بركتدير.

گۈيدەن گۈزرونن شانلى حياتىدىر، حركتدير. \*\*\*

جۇشقۇن لېھلر، جانلى حيات عاشيقى تك من،

گۈيدەن گۈزەرەك بونجا بۇ ساطى،

آتدىم او حياتى،

يوردو، ائلى، يارى؟

تا او د آپارىم خلقىمە درمان.

قاف داغلارينىن ذىر وەسىنە آخرى قۇندوم.

قۇنجاق يىزە بىر لحظەدە دۇندو،

گۈيدن گۈزرونن كوكىرىيەن عالم.

جادو اولونوبموش كىمى آنا داشا دۇندو

لوان و گونش رنگلى چيراقلار،

درىايا دوشىن قۇر كىمى، بىر لحظەدە سۇندو.

غىم شىلىگى محو اىتدى بىر آندا، تؤيو ماتم.

حاكىم كىلىپ مىش بورا ياسانكى ازىزلىنى

ظلمت لە سکونت.

قىلىيمىدە، اينان، اوينادى خنجر كىمى دهشت، \*\*\*

روحوم، اوره گىم تىترەدى مۇ حكم.

تا اینکی قانادلاندیم اوچام، ساخلاڈی زنجیر.  
گۇرۇم کى، اسېرەم.

\*\*\*

آلسين قاناديم بىر داھا قوت، دئىھ، قوندوم،  
افسوس كى، دۇندوم.

زنجيرى ووران كىمدىسە، جادوگىرە بنزىر !!

يوخ، يوخ! اونون آردىندا دوران گوجلو بىلگىن وار،  
هر بىر بىلگىن نبضىنە حاکىم بىر اورەك وار،  
آردىندا او قلبىن دايانيز بىر دوشونن باش،  
باشدىر قارا مقصىدلەرە سىرداش.

\*\*\*

ايلىر دولانىپ آرتىرى تارىخە واراقلار:

گاه ظالىمى اىل، گاھدا اىللى ظالىم آياقلار...

بىگانەدى لاکىن قوجا شاهىنە بو دۇوران.

قاندالدا كىچىر عومرو اونون، سانكى بىر آسلام.

\*\*\*

مغورو گزىشىپ، كىنلى گۈزۈندىن

نفترلى غىصب شىلەلەنركن،

قاف داغلاريتا اوز تو تاراق سۇيىلەدى بىر گون:

سۇسماز لې، سونسوز حرکت منبىي بىلدىم؛

درىاسنى بىلدىم؛

قلىيمىدە كى پاك آرزولارىمدان داھا اوستون.

بلى! سنى درىا بىلەرەك، دالغاوا قۇندوم.

اما داش ايمىش سان.

چۈخىدان بىرى گۈزىلرده سۇنوب محو اولان اولدوز،  
نورون قالىر آنجاق؛

جانسىز بىر ايشيق سان كى، سۇنوب منبى چوخىدان.  
شاھىددى زامان، گۈزى، قارا تورپاق  
چۈخىداندى كى، قىلۇندە سىنىن لاختالانىب قان.

گۈزىدەن گۈرۈنۈرەن اولو بىر دالgalى عمان،  
اصلىيىنده ولاكن،

قىلۇندە حىات نبضى دايامىش اولو بىر بۇز.

آرتىق منه هر بىر شىئى اولوب گون كىمى آيدىن:

وجدانى سۇنوك كىچمېشىۋە سىرداش ايمىشسان.

\*\*\*

### شاھىن بو زامان

بىر سىلدىرىم اوستوندە دوران گورزەنى<sup>۱</sup> گۈردو.  
- بىچارە! - ايلان سۈزىلەدى - بىدىرى بىر فغانلار،  
ياتمىر گىچە - گوندوز قايدىقلاردا ايلانلار،  
داغلار اوستانىب قىشقىرىيغىندان؛  
انتىكىدەدى داشلاردا شىكايت.

فرىاد ائلەيىب زنجىرى سۈيدۈن و نهايت

ائىدىن بىر گۈزەل عالىمى كىچمېشلە برابر؟!

دقتىلە گۈزەل نۇمەلىرى دىنلە سىنىز گر،

حیوان قالیب انسان۔

تار سلری گلمکده دی دایم.

卷之三

شاهن دئڈی:

-بلی! بو گؤزھل سىلرە كىچمىشىدە ايناندىم،

آخیر دادا پروانه کیمین او ذلا را یاندیم.

چو خ اینجہ دی سسلر، کسیلیب هر یئرہ حاکیم.

من ده، تۇتاراق، بىردم ایناندىم او نا قلبىاً،

س سویله بو قاندال، بو آخان قان نه دئمکدیر؟؟

七

کۆیلر قۇشويام من، قاناديم بوردانه لازىم؟!

دوشوم بورا يۈرۈغۇنلۇق آليم من؟

پیور دوم منه: - گل - سویله بیر -، او غلوم،

داغلاردا، دوزه نلرده، ياما جلا ردا دو مانديز،

پیاد جایناغی سینه مده یاماندیر،

گل، گل! - دشیر -، ای او غلوم، آماندیز ....

卷之三

من!

جان وئرمگە حاضیر وطن اوْغۇندا بىس عىگ .

گر دُوغرو دو سُوزلر و صمیمه‌ی دی یو سسلر،

بس سؤیله بو زنجیر و بو زندان نه دئمکدیر؟؟

\*\*\*

يۇخ، يۇخ، حرکت واردى دئمک بوردا عېشىدىر.

هر شىنى داش اولوب بوردا بلى، وارسا قالان گر،

بىر، هر يىزە حاکىم كسىلىن، اينجە او سىدىر،

بىردىه بو قفسىدىر!!

\*\*\*

- گر ايش بىلەدىر، بس نىيە گلدىن؟

- سۈرسان قايالار سؤیله يە جىكدىر سەنە آيدىن؟

هر گون دئىيرەم، بىر داها تكرارانە حاجت.

\*\*\*

آزاد دوغولان انسانا قاندال نه گرકدىر؟

قانداللارى قىرمىشلا را زندان نه گرકدىر؟

دونيا! نەلرىن وار؟؟!

افسانەلرىن وار!!

بىچارە بىر اولچويە گلمز كدرىن وار!!

قانلار تۈكەرەك قاندالى قىردىن آياغىندان،

قانداللارى يىغدىن و قاييردىن يىشكە زندان!!

دايىم باشىن اوستوندە گزىر غم و فلاكت.

بىر گون سىنى زنجىرلەدى سلطان؛

بىر گون دە "آزادلىق" و "عدالت"!!

\*\*\*

- بس، سىنچە بو يېنلىر دە عدالت دە مى يۇخدور؟

- بىر يىزە اگر اصل عدالت او لا سلطان،

قویماز يارانا او ردان شرونلار کیمی مغورو،  
تقصیر سیزه زندان.

حقسیز اگر اولدورسه بیرین، وئرسه برات،  
کیم سؤیله يه جکدیر بئله قانونا عدالت؟!  
عاجیز لره گر وئرسه اولوم جامی جنایت،  
قوتلیلره آدو شرافت،

واردیرمی او تورپاقدا عدالتدن علامت؟!  
انسانلارى محروم ائله سه کیم ياشاماقدان  
جانی ساییلیر، دوغرو بو، لاکین  
و جدان پریسین محو ائدهن اینسان  
جانی ساییلیرمی؟

آيا بئله لر اور تولو بير جانی دئیل می؟  
قانون بئله حئیوانلارا سیز لردە دە وار می؟  
تاریخ از لدن،  
حق پرده سی آلتیندا گئدهن،

/ فاجعه دیوانی دئیل می؟  
من باشقابير عالم دئیه اندیم يئرە گۈيدن.

- ال حس اولونان شئيلره قانون يازار آنجاق!  
خوشبخت لیگە چاتدین او جا گۈيدن يئرە قۇنجاق.  
بىر گون بو فصالاردا او چارديم من او زوم دە،  
خوش گون منه، لakan، وئریب آنجاق قارا تۈرپاق.

- كىچمىشىدە گر اوچدونسا، قاناد تاخدىلار اوچدون،  
 اوچماز ابدا، چونكى قانادسىز دۇغۇلانلار.  
 تۈرپاق بىش اولا دينا ان گو جلو داياقدىر؛  
 تورپاق، نه قدر عۇمر اندىر انسان، قالاجاقدىر.  
 انسانلارا تۈرپاق آنادىر، ائتمىرمىم اينكار،  
 هر نعمت او نون وار قۇجا غىيندا:  
 تورپاقدا محبىت گولو، تورپاقدا هنر وار،  
 او د وار قۇجا غىيندا؛  
 اينسان او نا عاشىقدىر، او انسانلارا مفتون؛  
 ايلكىن آنادىر دۇغدوغۇ او لا دينا وورغۇن ...

\*\*\*

\*\*\*  
 هر بىر آنا او لا دينى ايستر كى، او جالسین؛  
 حىرىت او نا گۈيىلدە بولوتلار بىلە قالسین،  
 اىفلېيج بالاسىن گۈرسە و لا كىن، آنا آغلار،  
 حتى قارا باغلار،  
 گر يىرده سورونىم آنام او ز قلىنى داغلار.

\*\*\*

- بوش گۈيىلرىن آخرىن نه صفاسى؟  
 وار طبل كىمىن گۈى سۈزۈنون تكجه صداسى.  
 تۈرپاقدا چىچك، اينجە گۈزەللر و شرابلار،  
 گىزمك، يىشىب - اىچىمك، بو حياتىن دادىن آنماق،  
 شهرت قانادىلە هاو الانماق ...  
 بىر سۈيىلە فضالار دانە وار؟

\*\*\*

- دونیا بایدیر گؤیلرین آلماس تک هاواسى !!

گؤیلرده نه وار؟!

هر بیر گونشىن ايلك شعاسىندان ايسىنىمك:

هر اثرتە سحر ايلك شعالاردا يۇرىونماق:

هر گون پريسيله سحر ايلك آندا گۈرۈشىمك

او گولوشىمك

او اوپوشىمك.

اي، ظلمتىن آلودەسى، بىچارە زاواللى،

گؤیلرده نه وار؟!

/ سۇنسوز او فوقلار و اوچوشلار!

گۈزى عاشيقىدىر ھمه شاهىن كىمى قوشلار.

\*\*\*

- ال چك بو چوروك دويغولاريندان،

گولىمز او زووه يوخسا بو دۇوران.

- شاهىن دوغولانلار قارا تورپاقدا سورونمىز.

نوح توفانى گر قوپسادا، حقىن شامى سۇنىمز.

گر حاله چكە لاله تك اطرافيقا قاندا،

حق عاشيقى باش اييمە يە جك ظلمە بىر آن دا!!!

گىنت يىرده سورون، گىنت ياشا ظلمتىدە، دوماندا،

اولماز ياراسا نورىلە ھەممىم.

ماتىدىر ايشيقلىق سىنه، ماتم!!

\*\*\*

- بىر قاندال اولوب قلبىوه وجدان،

اثتمىش سىنه، بىچارە، بو دونيانى قارانلىق.

قىر قاندالى بىر آنلىغا وجدان آيا غىيندان،